

Petrus de Vinea

*Ep. IV 12 (Quod filium
tuum Angelum de...)*

Basilicata University Press

—

Digital Humanities

Edizioni e data-bases digitali
sotto la direzione di Fulvio Delle Donne

Petrus de Vinea

*Ep. IV 12 (Quod filium
tuum Angelum de...)*

ante 1249?

Consolatur de morte filii sui decedentis in servitio Camerae

1. Quod filium tuum Angelum de..., fidelem nostrum, ad seruitium Camerae nostrae uocauimus, approbata fides et eius industria circumspecta, quam habuit in seruitiis nostris, beneuolentiam nostram attentius induxerunt. Quod autem ad presentiam nostram nuper ueniens, infirmitate preuentus, a Domino, sicut Ei placuit, sit uocatus, seruitio et persona sua carere dolemus, tibi nichilominus condolentes, qui bonum de ipso filium amisisti. 2. Sed cum diuinae uolutati nemo resistere possit, et reuocari nequeat quod uocauit, etsi super obitum eiusdem filii tui prohibere tibi lacrimas non possimus, utpote qui mutato ordine ad fata peruenit, a quo sperabas, si rectius ordo procederet, sepeliri, moderationem tamen tuis iustis motibus de fauorabili gratia imponere suademus, ad te, domum tuam et filios fauorem ad eum habitum conuertentes, ut, modestia in doloris uehementia obseruata, possis in nostra gratia confidentius respirare, maxime quod ad seruitia nostra uocatus, finem in curia nostra laudabilem consummauit.